



Nunami kapisilinnik tukertitsivinnik pilersitsisoqarsinnaalernissaanik periarfissassat suunersut pillugu Naalackersuisut UKA2022-mut Nalunaarusioqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

Siullermeernera

Inatsisartunut ilaasortaq Siverth K. Heilmann, Atassut aalajangiiffigisassatut siunnersuuteqarneranut, Naleqqamiit qujaffigerusupparput.

Nunami kapisilinnik tukertitsivinnik pilersitsisoqarsinnaalernernissaanik periarfissat suunersut pillugit nalunaarusiortoqarnissaa siunnersuuteqartup Inatsisartut aalajangiiffigisassaattut siunnersuutigivaa.

Kapisilinnik tukertitsivinnik ingerlatsineq aammalu aallartitsiniartarnek nunatsinni eqqarsaat manna qaqilerneqartoq nutaajunngilaq.

1989-imi kujataani Qorlortorsuarmini misileraalluni ingerlatsisoqarnikuuvoq misileraanerup ilaatigut qulaajarniartussaallugu taamatut ingerlatsineq akilersinnaanersoq. Taamatullu misissuineq misileraanerlu taamanikkut iluatippallaarsimangilaq. Misileraalluni suliunitip taamatut iluatippallaanngitsup Namminersornerullutik Oqartussat 37 mio. kr.-inik annaasaqatigisimavaat.

Taamatut misilittakkat torrallataavallaanngitsut aallaavigalugit Naalackersuisut akissuteqarnerminni taamatut kapisilinnik tukertitsiveqarnissamut periarfissat pillugit nassuiaammik saqqummiisussat kisimik qitiusumiit aallaaveqarsinnaanerat pinnagit, akerlianilli suliffeqarfiit namminneerlutik nalilersuinernik misissuinernillu suliaqartussaasut.

Tamannalu akissuteqaat Naleqqamiit toqqaannaq isummersorfiginngikkaluarlutigu Naalackersuisut allanguutissatut siunnersuutigisaat, tassalu:

”Nunami imaanilu uumatitsiveqarnek pillugu inatsisitigut malitassanik

misissuisoqarnissaanik Naalackersuisut peqquneqarnissaat pillugu inatsisartut



Naleraq

UKA 2021/161
Jens NapätôK', Naleraq

aalajangiiffigisassaattut siunnersuut."

Taaamatut siamasissumik Naalakkersuisut suliaqarniarlutik siunnerfeqarlutik allannguutissatut siunnersuutaa Naleqqamiit tapersorsorlutigu ataatsimiititaliami susassaqaartumi aappasaaninginnerani suliarineqarnissaa innersuusutigaarput.